

Polelo ya Salzburg gore Lefatshe le Go Itsewing Dipuo tse di Farologaneng

Mo lefatsheng le le kopaneng la gompiano, bokgoni jwa go bua dipuo di le dintsi le go tlhaeletsana gotlhe kwa dipuong tse di farologaneng ke botswerere jo bo bothokwa thata. Le kitsonyana ya puo e feta e le nngwe e na le mosola. Kgonagalo ya go itse dipuo tsa tlaleletso ke mokgwa o montshwa wa go itse go buisa le go kwala lefatshe ka bophara. Go ithuta puo go tlhoka go atolosetswa batho botlhe – ba banyane le ba bagolo.

Le fa go le jalo, dimilione tsa batho go ralala lefatshe ba timiwa tshwanelo ya go babalela, go natefelwa le go tlhabolola dipuo tsa bona. Selo seno se se sa siamang se tlhoka go baakanyiwa mo dipholiseng tsa dipuo tse di etleetsang baagi le batho ba ba itseng dipuo tse di farologaneng.

Rona, batsaya karolo ba Seminara ya Lefatshe ya Salzburg ka ga *Thankgololo ya Talente: Go ithuta puo le go Kitlana mo Lefatsheng le le Godileng* (Sethimonthole 12-17, 2017 salzburgglobal.org/go/586), re ipiletsa go dipholisi tse di kgathalelang le go boloka go itsewi ga dipuo tse di farologaneng le ditshwanelo tsa puo.

Polelo ya Salzburg gore Lefatshe le Go Itsewing Dipuo tse di farologaneng e tleile go etleetsiwa ke pegelo e e tlhamaletseng le dikwalwa ka ga kgang tse di bothokwa tse di phasaladitsweng ka 2018.

RE TSELA MO LEFATSHENG LE E LENG GORE:

- Dinaga tsotlhe di le 193 tse e leng maloko a UN le batho ba bantsi ba itse dipuo tse di farologaneng.
- Go buiwa dipuo di le 7,097 ga jaana go ralala lefatshe.
- Di le 2,464 tsa tsone di mo kotsing ya go nyelela.
- Dipuo di le 23 di tlhagelela kwa godimo, di buiwa ke halofo ya batho ba ba leng mo lefatsheng.
- 40% ya batho ga e fitlhelele thuto ka puo eo ba e tlhaloganyang.
- Bana ba le dimilione di le 617 ga ba fitlhelele bonnye jwa maemo a kgonagalo ya go buisa.
- Batho ba le dimilione di le 244 ke bahudugi ba boditshabatshaba, moo e leng gore dimilione di le 20 tsa bone ke bafaladi, koketsego ya 41% go tloga ka ngwaga wa 2000. Bahudugi le bafaladi ka bo bone ba ka dira naga ya 5 e nang le batho ba le bantsi mo lefatsheng.

Lefatshe la rona ke le go itsewing dipuo tse di farologaneng, fela thuto le ikonomi di le dintsi, tse la ya go bona bonni le botsamaisi jwa setshaba di busetsamorago dimilione tsa batho ka ntata ya dipuo le bokgoni jwa dipuo. Re tshwanela go mekamekana le kgwetlho eno fa re batla go fitlhelela Tlamelo ya Maikaelelo a Tlhabololo, e go dumallanweng ka yona ka 2015 ke dinaga di le 193 go “fedisa lehuma, go sireletsa polanete le go netefatsa tekatekano go botlhe.” Thuto e e siameng e agilwe mo dipholiseng tsa puo tse di tiileng e bile di sa tseye letlhakore di bothokwa mo kgatelopeleng e e tsenyeleditseng batho botlhe.

MELAO

- Go itse dipuo tse di farologaneng go kaya go ruta dipuo ka botlalo, le diteng tsa tlhaeletsano tse di tlhagelelang kwa baaging ba ba itseng dipuo tse di farologaneng.
- Go na le batho ba ba nang le kitso ya dipuo di le dintsi.
- Ditalmorago tsa hisetori, tikologo le ikonomi di dira gore mefuta e mentsi e e farologaneng le ditiriso tsa go itse dipuo tse di farologaneng.
- Thuto ya dipuo tse di farologaneng, le ketleetsa ya dipuo tse di farologaneng tsa loago ke dinaga le mekgatlo ya boditshabatshaba, e ntshetsapele refosanyo ya kitso le go tlhaloganya ditso tse di farologaneng e bile e naatlafatsa dikamano tsa boditshabatshaba.

Dipholisi tsa puo tse di beilweng go ka fitlhelelwa di ka tlhabolola dikamano, tokafatsa dipholo tsa thuto le ntshetsapele ya tlhabololo ya ikonomi. Go ithuta puo ya tlaleletso go letlelela bana go aga bokgoni jo bo tiileng jwa go itse go buisa le go kwala ka leleme la bona la ga mme; thuso go baagi ya go boloka dipuo tsa bona tsa boitshupo, kitso le tumelo; le go tlhama ditshono tsa go ithuta dipuo tse dintshwa gore din ne le mosolo mo mothong ka bonngwe, go itapolosa, setso kgotsa ikonomi. Dipholisi tsa go itse dipuo tse di farologaneng di ka tlamela sediriswa se se kgethegileng e bile se le bothokwa sa go farologana ga dipuo mme se ka tlisa phetogo e e siameng mo lefatsheng, mo ikonoming, mo loagong le mo sepolotiking.

Re ipiletsa go batho , mekgatlo, ditheo le dipuso go dumalana le mogopolo wa go itse dipuo tse di farologaneng o o ketekang le go ntshetsapele go farologana ga dipuo jaaka moetlo wa lefatshe, le go mekamekana le kgethololo ya puo, le go tlhabololla dipholisi tse di tsewetsangpele go itse dipuo tse di farologaneng.

DIKATLENEGISO

Go dira dipholisi

Pholisi ya puo e e atlegileng e tlhoka ditshwaelo tsa baitseanape le botsaakarolo jo bo matlhagatlhaga jwa baagi. Go tsaya ditshwetso tse di botlhale le tse di tlhamaletseng ka ga dipuo mo baaging go kaya:

- Go sekaseka maikaelelo a a tlhamaletseng a a ka fitlhelegang bonolo.
- Go tsenyeletsa batho botlhe ba ba amegang mo go diriweng ga pholisi, segolobogolo tseokarolo ya barutabana e e botlhokwa mo maemong otlhe.
- Tsamaiso ya pholisi ka tatelano go tswa kwa nakong ya pele ga go tsena sekolo go ya go go fetsa sekolo le thuto ya leruri.
- Go lebana le didiriswa le ditlhoko tsotlhe tsa puo, go tsenyeletsa poloko, go ithuta le tiriso ya leleme la ga mme la baagi ba ba botlana.
- Tiriso ya kitso go tswa go ditlhotlhomiso tsa thuto go ithuta leleme la ga mme le dipuo tse dingwe.
- Go laola kgonego ya thekenoloji ya tshaeletsano.
- Go bona didiriswa tse di maleba tsa go tsenyatirisong pholisi.
- Go okamela le go tlathloba maikaelelo a tsenyotirisong kgafetsa.

Go ruta le go ithuta

Pholisi ya puo e e felletseng key a loago, ikonomi le setso mmogo le thuto. Go ithuta dipuo goya go ile go botlhokwa mo baaging go tlamela le bo ungelwa mo go itseng dipuo tse di farologaneng. Thuto, bokgoni le lephata la badiri ba tshwanetse ba ntshetsepele le go lemoga go ithuta dipuo ga botlhe, mmogo le kamogelo e siameng ya go farologana ga dipuo. Bana le bagolo ba tshwanetse ba bone ditshono tsa botlhe le tse di tsewelelang tsa go tlhabolola, godisa le go atolosa bokgoni ba bone ba dipuo mo matshelong a bona.

Kakanyo e ntshwa ya thuto e a tlhokega e e tsenyeketsang kitso thekenoloji e e tlwaelegileng le ya segompiano. Mafelo a go ithuta dipuo ka matlhagatlhaga a feta dikolo le ditheo tsa thuto e kgolwane. Mebila, magae, inthanete, tikologo ya inthanete, le ketleetso ya bafaladi tsotlhe di ka ntshetsapele go ithuta le go amogela dipuo.

Go ranola le go toloka

Ditirelo tseno di botlhokwa mo tlhamong le thebolelo ya ditirelo tsa setšhaba le refosanyo ya tshedimosetso mo baaging ba ba itseng dipuo tse di farologaneng. Tseokarolo e e sa tseyeng lethlakore mo tikologong tsa pholo, thuto, ikonomi le tsa molao e ikaegile mo tsereganyong ya seporofeshinale le ya puo e e boniwang mahala.

PILETSO YA GO DIRAGATSA

Batho baa b amegang ba ba ka kgonang go tlisa phetogo ba tsenyeletsa batlhotlhomisi le barutabana; badiredi ba setšhaba, mekgatlo ya baagi le mekgatlo e e seng ya puso; baeteledipele ba setso le bobegakgang; dipuso le badiredi ba puso; lephata la kgwebo; diejensi tse di thusang le go tlhabolola. **Re ipiletsa go bona botlhe go thusa:**

- Go tlhabolola dipholisi tsa puo , ditiragatso le thekenoloji e e etleetsang baagi ba ba farologaneng fela ba kitlane ka maitsholo a a siameng a go itse dipuo tse di farologaneng le dipuo di le dintsi.
- Ketleetso ya ditshwanelo tsa puo, go farologana le bonni mo ditokomaneng tsa semmuso le melaetsa ya setšhaba.
- Go mekamekana le ditiragalo tsotlhe tsa kgethololo, tse di tsayang lethlakore le go tlhoka tekatekano tse di tsamaisanang le puo le go itse go buisa le go kwala.
- Go lemoga gore merafe e e botlana, bahudugi le bafaladi ban a le kitso e e kwa godimo ya puo e e nang le boleng bo bo botlhokwa mo lefatsheng la rona la ga jaana le la isago.

Ka tsela e e kgethegileng, bangwe ba ditlhopho tse di amegang ba ka amogela le go etleetsa go itse dipuo tse di farologaneng gore kgatelopele ya loago, bosiamisi jwa loago, botsaakarolo jwa banni. Mmogo, re ka tsaya tshwetso ya go sireletsa ntlo ya letlotlo la setso le kitso ya go itse dipuo tse di farologaneng gore isago.

*You can find references for all statistics online: education.salzburgglobal.org/statements